

Ўз вақтида огоҳлантириш, қутқариш ва ёрдам бериш асосий вазифамиздир!



Vaziyat

2023 йил
10 август
№ 32 (921)



Ўзбекистон Республикаси Фавқулودда вазиятлар вазирлиги нашри ○

Газета 2004 йил 7 майдан чиқа бошлаган

ФАРМОН ВА ИЖРО

Фавқулудда вазиятлар вазирлиги Марказий аппаратида вазир, генерал-майор А.Қўлдошев бошчилигида Президент қарор ва фармонлари ижросига бағишланган йиғилиш ўтказилди.



Мажлисда ФВВ ҳудудий бошқармалари ва таркибий тузилмалари видеоконференцалоқа орқали иштирок этди.

Тадбирда Ўзбекистон Республикаси Президентининг жорий йил 2 август кундаги ПФ-125-сонли фармони мазмун-моҳияти етказилди. Шунингдек, йиғилиш давомида амалга

оширилиши лозим бўлган устувор вазифалар белгиланиб, соҳавий йўналишлар бўйича республика, вилоят, шаҳар, туман даражаларида тадбирлар самарадорлигини ошириш юзасидан масъул раҳбарларга тегишли топшириқлар берилди.

ФВВ Матбуот хизмати.



Ўзбекистон фахрийларининг ижтимоий фаолиятини қўллаб-қувватлаш “Нуроний” жамғармаси Васийлик Кенгашининг 2023 йил 27 май кундаги “Меҳнат фахрийси” кўкрак нишони билан тақдирлаш тўғрисида”ги қарорига асосан ФВВ тизимидан бир гуруҳ устоз офицерлар 1-даражали “Меҳнат фахрийси” кўкрак нишони билан тақдирландилар.

ҚУТЛОВ!



Наманган вилояти ФВБ бошлиғи генерал-майор Қосимали Аҳмедов



ФВВ Фахрийлар марказий кенгаши раиси, истеъфодаги полковник Эргаш Икромов



ФВВ фахрийси, истеъфодаги полковник Мирзахит Мирзаитов

Тақдирланган устоз офицерларимизни чин дилдан муборакбод этган ҳолда, уларга бугунгидек бардамлик, мустаҳкам саломатлик ва эл-юртга хизмат қилишдек шарафли вазифа йўлида улкан муваффақиятлар тилаб қоламиз.

ФВВ раҳбарияти ва шахсий таркиби.

МАТБУОТ АНЖУМАНИ

Самарқанд вилояти матбуот уйида вилоят ФВБ томонидан “Долзарб 30 кун” ойлиги давомида амалга оширилган ишларга бағишланган матбуот анжумани ўтказилди.

Унда вилоят ФВБ бошлиғи ўринбосари Умид Аҳроров томонидан вилоятда содир бўлган ёнғинлар, фавқулодда вазиятлар, уларнинг оқибатларини бартараф этишга оид амалга оширилган тадбирлар, бу борадаги хавфсизлик қоидалари бўйича маълумотлар етказилди.

Тадбир якунида



ОАВ вакилларининг саволларига мутахассислар томонидан атрофлича жавоб берилди.

Илҳомжон БОҚИЕВ,
Самарқанд вилояти ФВБ
ахборот хизмати бошлиғи,
катта лейтенант.

YOSH OFITSERLAR ISHTIROKIDA

Surxondaryo viloyati Janubi-g'arbiy maxsus harbiy okrugi-dagi Mudofaa vazirligi tizimiga qarashli harbiy qismlarda hamda Surxondaryo viloyati Favqulodda vaziyatlar boshqarmasiga xizmatga yangi qabul qilingan ofitserlar tarkibidagi harbiy xizmatchilar bilan o'quv yig'ini o'tkazildi.

Tadbirda Termiz harbiy prokurorining yordamchisi tomonidan xizmat faoliyatini tashkil etishda qonunchilik hujjatlari talablariga rioya qilish yuzasidan tushuntirishlar berildi.

Shuningdek, tadbir ishtirokchilariga harbiy qism va muassasalarda jinoyatga oid ariza, xabar va boshqa ma'lumotlar yuzasidan tergovga qadar tekshiruv o'tkazish tartibi, asoslari hamda bunda ahamiyat qaratilishi lozim bo'lgan

holatlar xususida atroflicha fikrlar bayon etildi.

Farrux YOROV,
Termiz harbiy
prokurori yordamchisi.

Navro'z ISLAMOV,
Surxondaryo viloyati
FVB bo'lim boshlig'i,
kapitan.



Термиз ва Урганч ҳарбий прокуратуралари ташаббуси билан “Уч авлод учрашуви” тадбири ташкил этилди.

ҚИЗИҚАРЛИ МУЛОҚОТ

Тадбирларда ҳарбий қисм ва муассасалар кўмондонликлари вакиллари, муддатли ва контракт

варлик туйғуси ҳар қандай машаққатли вазиятда уларга куч ва шижоат бергани, халқимиз олдидаги фарзандлик бурчи эса дои-

мо ўз вазифаларига фидойилик ва масъулият билан ёндашишга ундагани ёшлардаги Ватанга бўлган муҳаббат ва садоқат хиссини янада тўлқинлантириб юборганлигини уларнинг юз-кўзларидан англаш қийин бўлмади.

Мулоқотлар очик, самимий руҳда ўтди ва савол-жавобларга бой бўлди. Муддатли ҳарбий хизmatchилар ва ўқувчи-ёшларнинг Ватан ва садоқат ҳақидаги жонли куй-қўшиқлари тадбирга байрамона руҳ бағишлади.

Меҳриддин НАЗАРОВ,
Ўзбекистон Республикаси
Ҳарбий прокуратураси бўлим
катта ҳарбий прокурори,
адлия подполковниги.



бўйича ҳарбий хизmatchилар, пенсиядаги, шу жумладан, байналминалчи фахрийлар ҳамда ўқувчи-ёшлар иштирок этдилар.

Фахрийлар ўз тажрибаларидан сўзлаб берган ҳаётий сабоқлар, қалбларида жўш урган ватанпар-

МУРОЖААТЛАРГА ЕЧИМ

Ўзбекистон Республикаси Ҳарбий прокуратураси ташаббуси билан Мудофаа ва Фавқулодда вазиятлар вазирликлари, Миллий гвардия, ИИБ Қоровул қўшинлари кўмондонликлари вакиллари томонидан Самарқанд шаҳрида оммавий сайёр қабул ташкил этилди.

Унда Самарқанд ва Каттақўрғон гарнизонларида жойлашган ҳарбий қисм ва муассасаларда

хизмат қилаётган ҳарбий хизmatchилар ва уларнинг оила аъзолари, шунингдек, фуқаролар иштирок этдилар.

Қабулда Ўзбекистон Республикаси Ҳарбий прокурорининг биринчи ўринбосари О.Холбоев ва бошқа раҳбарлар томонидан мурожаатчилар тингланди.

Жараёнда турли масалаларга оид жами 185 та мурожаат келиб тушди. Шундан 34 таси жойида ижобий ҳал этилган бўлса, 57 та мурожаат юзасидан ҳуқуқий тушунтириш берилди ва 94 таси назоратга олинган ҳолда масъул ташкилотларга юборилди.

Руслан ЛАТИПОВ,
Самарқанд ҳарбий
прокурорининг катта
ёрдамчиси,
адлия майори.



Жиноят ва жазо

ГУЛ ЎРНИГА...

32 ёшли Н.Т. муқаддам судланган. Унга жиноят ишлари бўйича Бўстонлиқ туман судининг 2022 йил 4 ноябрдаги ҳукмига кўра иш ҳақини 15 фоизини давлат даромади ҳисобига ушлаб қолган ҳолда 1 йил 11 ой ахлоқ тузатиш ишлари жазоси тайинланган. У яна қинғир ишга қўл уради. Яхшиси, Н.Т.нинг суддаги кўрсатмасини келтирсак.

– Бундан уч йил илгари А.Х. деган йигит билан танишдим, – деди судда судланувчи Н.Т. – У билан бир-

га бизнес қилиш режасини туздик. Ҳатто Хитой давлатидан ускуна олиб келиб маҳсулот ишлаб чиқаришни йўлга қўймоқчи бўлдик. Шу орада А.Х. турмушга чиқиш таклифини билдирди. Мен эса рози бўлмадим. Бироқ у ишқий муносабатларини билдираверди. Мен эса рад жавобини беравердим. Орадан кунлар ўтсада, А.Х. мени тинч қўймади. Шундан кейин унинг яшаш хонадонига бориб онаси билан учрашдим. Оилали инсоннинг турмушини бузмоқчи

эмаслигимни тушунтирдим. Бироқ кунларнинг бирида А.Х.нинг онаси келиб бақирчақир қилди. Мен унинг онасига ўғлингиз билан ҳеч қандай гаплашганим йўқ, мабодо келса, сизга хабар бераман, дедим. Бироқ масала ечим топмади. Шунинг учун 2022 йил 30 ноябрь куни А.Х.ни қидириб, унинг хонадонига бордим. Ҳовли ташқарисидан турган А.Х.га тегишли “Нексия-3” русумли автомашинани кўрдим. Шунда менда А.Х. мени уйимга бориб безовта қилмаслиги учун автомашинанинг олди ва орқа давлат рақамларини ёнимда бўлган овертка билан ечиб олдим. Шундан кейин уйга қайтиб келдим. Ўша куннинг ўзида мен-

га ички ишлар органлари ходимлари кўнғироқ қилиб, А.Х. автомашинасининг давлат рақамлари ҳақида сўрашди. Уларга давлат рақамлари менда ва эгасига қайтариб бераман, деб айтдим. Ушбу ҳолат бўйича менга нисбатан тегишли ҳужжат расмийлаштирилди. Ҳозирги кунда қилган ишимдан пушаймонман. Оилавий шароитимни ҳисобга олиб, енгилроқ жазо беришларингизни сўрайман.

Шу ўринда жабрланувчининг кўрсатмасини ҳам келтирсак.

– Ўша куни тахминан соат ўнлар атрофида автомашинанинг олди ва орқа давлат рақамлари йўқлигини билдим, – деди жабр-

ланувчи А.Х. – Ён-атрофни қидириб кўрдик, топилмади. Ўғирланганлигини билганимдан кейин “102”га кўнғироқ қилдим. Бугунги кунда давлат рақамлари менга қайтарилган. Н.Т.га давоим йўқ.

Суд ушбу жиноят иши юзасидан тўпланган иш ҳужжатларини, судланувчи ва жабрланувчининг кўрсатмаларини текшириб чиқиб, баҳо берди. Шундай қилиб, Н.Т.нинг аёл эканлиги, пушаймонлигини эътиборга олиб, унга 1 йил 6 ой синов муддати белгиланди.

Алишер ЖАЛИЛОВ,
жиноят ишлари бўйича
Яккасарой туман
судининг раиси.



ИСЛОҲОТЛАР АМАЛДА

Навоий вилояти ФВБ томонидан “Коррупцияга қарши курашни ўзини ислоҳ қилишдан бошлайлик!” мавзусида тадбир ўтказилди.

Йиғилиш давомида Навоий вилояти Учқудук туманидаги НКМК ДК Ёнгин хавфсизлигини таъминлашни ташкил этиш маркази, “Шимолий” кон бошқармаси ва Зарафшон шаҳар ҳудудида жойлашган “Марказ” кон бошқармаси объектлари ёнгин хавфсизлигини таъминлашни ташкил этиш

бўлимларининг ҳарбий хизматчи ва хизматчиларига бир қатор ҳуқуқий-норматив ҳужжатларнинг мазмун-моҳияти тушунтирилди.

Н.КАРИМОВ,
Навоий вилояти ФВБ шахсий хавфсизлик бўлими бош инспектори, капитан.

ОФАТ ЭШИК ҚОҚМАС

Чирчиқ шаҳар Ҳаёт фаолияти хавфсизлиги ўқув марказида Чирчиқ ва Янгийўл шаҳарлари МФЙ раислари иштирокида “Офат эшик қоқмас” мавзусида ўқув-амалий семинар бўлиб ўтди.

Анжуман давомида шаҳар газ таъминоти, Ободонлаштириш бошқармаси, санитария-эпидемиология, ёнгин хавфсизлиги ва ветеринария хизматлари масъул ходимлари томонидан газдан фойда-

ланиш қоидалари, газ билан боғлиқ портлаш, ёнгин, ис газидан заҳарланишнинг олдини олиш ва яна қатор мавзуларда маърузалар ташкил қилинди.



Тадбирнинг амалий қисмида Тошкент вилояти ёнгин-қутқарув отряди техникалари ва жиҳозлари кўргазмаси намойиш этилди.

Ҳусниддин АГЛАЕВ,
Тошкент вилояти ФВБ Чирчиқ шаҳар ҲФХҲМ бошлиғи.

КИТОВ YARMARKASI

FVV Boshlang'ich tayyorgarlik va malaka oshirish markazida xizmatchi va harbiy xizmatchilar ishtirokida “Kitob – millatning madaniy va ma'naviy merosi” shiori ostida “Kitob olami” MCHJ xodimlari bilan hamkorlikda kitob yarmarkasi o'tkazildi.

Yarmarkada tinglovchilar badiiy, huquqiy,



madaniy va ma'rifiy yo'nalishdagi kitoblarni xarid qildilar.

B.ISHNAZAROV,
FVV BTvaMOM kutubxona boshlig'i, kichik serjant.

ПРОФИЛАКТИКА

Жиззах вилояти Зафаробод тумани ФВ бўлими ходимлари томонидан ариқ ва каналлар, гидротехник иншоотларда ва бошқа тақиқланган ҳудудларда чўкиш билан боғлиқ кўнгилсиз ҳолатларнинг олдини олишга қаратилган рейд тадбирлари ўтказилди.

Шунингдек, аҳоли яшаш хонадонларида тарғибот-ташвиқот ишлари ташкил этилиб, фуқароларга кондиционер, вентилятор каби электр ускуналарининг туну кун ишлатилиши қисқа туташув ва ёнгин-

ларга сабаб бўлаётганлиги, носоз ва қўлбола ускуналардан фойдаланишга йўл қўймаслик юзасидан тушунтиришлар берилди.

Ҳозирда ушбу тадбирлар давом эттирилмоқда.



Ифтихор УМАРОВ,
Жиззах вилояти ФВБ ахборот хизмати раҳбари, капитан.
Жавлон ҚУДРАТОВ,
Зафаробод тумани ФВ бўлими бошлиғи, капитан.

Surxondaryo viloyati FVBda boshqarma boshlig'i, yosh harbiy xizmatchilar, kursantlar hamda tizim faxriylari ishtirokida “Uch avlod uchrashuvi” tashkil etildi.

Keksalar yig'ilishda o'z tajribasi, bosib o'tgan hayot yo'llari haqida gapirib, yoshlarni yanada shijoatli bo'lish, zimmlaridagi vazifalari, Vatan oldidagi burchlarini o'z vaqtida bajarishga undadilar.

MAROQLI VA FOYDALI



Navro'z ISLAMOV, Surxondaryo viloyati FVB bo'lim boshlig'i, kapitan.

DAVRA SUHBATI

FVV Maxsus muhandislik-qurilish boshqarmasida lavozimga tayinlangan kontrakt bo'yicha harbiy xizmatchilar bilan harbiy xizmat mas'uliyati xususida davra suhbati tashkil etildi.



Suhbat jarayonida yosh harbiy xizmatchilarning kelgusidagi rejalari tinglanib, ularning xizmat joyiga moslashganligi, oilaviy ahvoli, yashash sharoitlari o'rganildi. Shuningdek, yosh harbiy xizmatchilarga harbiy burch, Vatanga sadoqat hamda lavozim majburiyatlariga sidqidildan yondashish, qonun buzilishi bilan bog'liq holatlarning oqibatlarini bo'yicha tushuntirish ishlari olib borildi.

Sh.AHMADALIYEV,
Tarbiyaviy va mafkuraviy ishlar bo'limi boshlig'i, kapitan.

“Долзарб 30 кун” тадбири доирасида

“Қамчиқ” махсус қидирув, ёнгин-қутқарув бошқармаси ходимлари ҳамда мутасадди хизматлар ҳамкорлигида доvon ҳудудида жойлашган мавсумий дам олиш масканлари, ошхоналар, савдо мажмуалари, “Қамчиқавтойўл” ИЙФУК, “Ангрен-Поп” электрлаштирилган темир йўли объектларида ёнгин хавфсизлигини таъминлаш ҳолати ўрганилмоқда.

“Қамчиқавтойўл” ИЙФУКга қарашли 10 та йўл бўлими, “Қамчиқ”, “Резак” туннеллари ки-

ҚОИДАЛАРНИ УНУТМАНГ!

риш-чиқиш қисмларида ва темир йўл станцияларида ёнгин ва бошқа тусдаги favқулodда вазиятлар рўй берганда аҳолини тўғри ҳаракат қилишга ўргатиш юзасидан тарғибот ва ташвиқот ишлари ташкил этилмоқда. “Ангрен-Поп” электрлаштирилган темир йўлининг “Кўл”, “Орзу”, “Чодак”, “Кон”, “Темирйўлобод” станцияларида ёнгин хавфсизлигини таъминлаш ва ёнгинларнинг олдини олиш юзасидан амалий-тактик машқлар ўтказилмоқда.

Шунингдек, “Қамчиқ” доvonда 4 та хавфли участкада муҳандислик-техник ҳимоя тадбирлари ташкиллаштирилмоқда. Жумладан, автомобиль йўлининг 1 та хавфли участкасида 197.6 км.да ҳамда темир йўлининг 7, 13, 68, 70-км.ларида муҳандислик-техник ҳимоя тадбирлари амалга оширилмоқда.

М.ЖўРАЕВ,
“Қамчиқ” МҚЁҚБ ФВПБ катта техниги, кичик сержант.
Ш.АБДУСАТТОРОВА,
бош мутахассис.

SEMINAR

“Dolzarb 30 kun” tadbiri doirasida “Farg'onaazot” AJning qator xizmat va boshqarmalari hamda “Farg'onaazot” AJ obyektlari binolarida yong'in xavfsizligini ta'minlashni tashkil etish bo'limi harbiy xizmatchilari tomonidan seminar tashkil etildi.

Tadbir davomida korxonada ishchi-xodimlariga viloyat hududida yong'inlar va boshqa tusedagi favқulodda vaziyatlarning kelib chiqish sabablari, ko'ngilsiz holatlarda harakatlanish tartibi yuzasidan tavsiyalar berildi.

N.TURSUNOV,
“Farg'onaazot” AJ OBYXTTEB inspektori, katta leytenant.
I.SAIDAKBAROV,
bo'lim boshlig'i, podpolkovnik.

G'UZORDA MASHQ

Qashqadaryo viloyati G'uzor tumanida qo'mondoklik-shtab o'quv mashqi bo'lib o'tdi.



Mashq davomida zilzila davrida yirik korxonalar-da yuzaga kelgan avariya natijasida havoga zaharli moddalar tarqalganda, FVDT tarkibiga kiruvchi korxonalar va tashkilotlar, korxonalar ishchilari hamda aholining harakatlari sinovdan o'tkazildi.

Tadbir rejasiga ko'ra, shartli zilziladan so'ng ishlab chiqarish obyektlaridan birida yong'in sodir bo'ldi. FVV qutqaruvchilari darhol yong'inni bartaraf etishga kirishdilar. So'ngra shartli yong'inni bartaraf etish uchun jalb qilinadigan kuch-vositalarni to'g'ri yo'naltirish, jabrlanganlarni xavfsiz hududga olib chiqish va birinchi tibbiy yordam ko'rsatish harakatlari amaliy tarzda ko'rsatib o'tildi.

Navbatdagi mashq tumandagi "Pachkamar" suv omborida o'tkazilib, obyektning barcha mehnat jamoasi o'z vazifasiga ko'ra, zarur harakatlarni amalda bajardi.

Mirzohid OSTONOV,
Qashqadaryo viloyati FVB boshlig'i o'rinbosari,
podpolkovnik.

Asqar BERDIYEV,
bo'lim boshlig'i, podpolkovnik.

QIZGIN BELLASHUV

Navoiy kon-metallurgiya kombinati AJ va "Navoiyuran" davlat korxonasi obyektlarida 8-ёнғин хавфсизлигини таъминлашни ташкил этиш маркази ҳарбий хизматчилари ўрта-сида кўрик-танлов бўлиб ўтди.



Танлов давомида 100 метр ва уч минг метр масофага югуриш, тўсинда тортилиш бўйича ҳарбий хизматчиларнинг жисмоний тайёргарлиги синовдан ўтказилди.

Натижаларга кўра, Шимолий кон бошқармаси обyekтларида ёнғин хавфсизлигини таъминлашни ташкил этиш бўлими 8-ёнғин-қутқарув қисми ходими оддий аскар Фаёз Ҳамроев 1-ўринни қўлга киритган бўлса, 2-ўринни Шимолий кон бошқармаси обyekтларида ёнғин хавфсизлигини таъминлашни

ташкил этиш бўлими 8-ёнғин-қутқарув қисми ходими оддий аскар Сардор Фармонов, 3-ўринни Жанубий кон бошқармаси ҳамда Навоий саноат майдони обyekтларида ёнғин хавфсизлигини таъминлашни ташкил этиш бўлими 8-ёнғин-қутқарув қисми ходими, оддий аскар Аҳмат Хушназаровлар эгалладилар.

Бешим РЎЗИЕВ,
марказ бўлим бошлиғи,
подполковник.

М.ҲАЙИТОВ,
НКМК ДК ЁХТТЭМ
гуруҳ бошлиғи,
катта сержант.

FVV Boshlang'ich tayyorgarlik va malaka oshirish markazida tinglovchilar bilan favqulodda vaziyatlar va yong'inlarni bartaraf etishda mexanizatsiyalashtirilgan asbob-anjomlardan foydalanish bo'yicha amaliy mashg'ulot o'tkazildi.

MAXSUS SABOQ

Tadbirdavomidatinglovchilar mexanizatsiyalashtirilgan asbob-anjomlardan foydalanishda xavfsizlik qoidalariga rioya qilgan holda o'z bilim va ko'nikmalarini oshirdilar.

Amaliy mashg'ulotlar natijalari bo'yicha har bir tinglovchining bajargan

ishlari baholab borildi va yo'l qo'yilgan kamchiliklarni bartaraf etish yuzasidan ko'rsatmalar berildi.

Shavkat BAQOYEV,
FVV BT va MOM sikl
boshlig'i, podpolkovnik.

Jasur XOLMURODOV,
Markaz o'qituvchisi,
mayor.



АМАЛИЙ ВА НАЗАРИЙ

Тошкент Метрополитени ҳарбийлаштирилган ёнғин хавфсизлиги бўлинмаси ходимлари билан ҳамкорликда кўнгилли ёнғин ўчириш дружиналари иштирокида ёнғин ўчириш амалий тактик машғулотлари ўтказилмоқда.



"MUG'LO" DA MASHG'ULOT

Kasbi tumanidagi "Mug'lon" mahallasida mutasaddi xizmatlar bilan birgalikda xonadonlarda uyma-uy yurilib, fuqarolarga elektr sim va gaz ballonlari, konditsioner va muzlatkichlardan foydalanish qoidalariga amal qilish borasida aytib o'tildi.



Shuningdek, "Qamashi" davlat o'rmon xo'jaligida o'rmonlarda yuzaga kelishi mumkin bo'lgan yong'inlarning oldini olish, yong'in sodir bo'lganda tashkilotlarning birgalikdagi harakatini muvofiqlashtirish borasida o'quv mashg'uloti bo'lib o'tdi.

Shuningdek, tadbir davomida suv havzalari bo'yab reyid tadbirlari o'tkazildi. Fuqarolarga taqiqlangan joylarda cho'milishning ayanchli oqibatlari tushuntirildi.

Sa'dulla ATABAYEV,
Qashqadaryo viloyati FVB bo'lim boshlig'i,
mayor.

Sanjar HAYDAROV,
Kasbi tumani FV bo'limi boshlig'i, kapitan.

KO'RIK-TANLOV

Qashqadaryo viloyatidagi o'ta muhim va toifalangan obyektlarni mahofaza qiluvchi yong'in-qutqaruv bo'linmalari shaxsiy tarkibi o'rtasida kasbiy va jangovar tayyorgarlik bo'yicha ko'rik-tanlov o'tkazildi.



Ishtirokchilar ko'rik-tanlovning 1-turida jismoniy tayyorgarlik, sport to'sinida tortilish, 100 va 3000 metrga yugurish, 2-turida "Kalashnikov" avtomatini to'liqsiz qismlarga ajratish va yig'ish, "Makarov" pistoletidan o'q otish mashqlarini bajargan bo'lsalar, 3-turda jangovar tayyorgarlik bo'yicha test savollarini yechdilar.

Tanlov natijalariga ko'ra, 3-o'rinni "Talimarjon IES" AJ 34-YQQ jamoasi, 2-o'rinni "Uzbekistan GTL" MCHJ 43-YQQ jamoasi, 1-o'rinni "Sho'rtan GKM" MCHJ 39-YQQ jamoasi egalladi.

Faxrli o'rinlarni qo'lga kiritgan jamoalar diplom va esdalik sovg'alar bilan rag'batlantirildi.

Adham MUZAPOV,
Qashqadaryo viloyati FVB katta
inspektori, katta leytenant.

Umrzoq JURAYEV,
boshqarma SHGKM MCHJ
OBYOXTTEB boshlig'i, podpolkovnik.

Tadbirlar davomida bekatlar va elektr-depolarning ёнғинга қарши ҳолати ўрганилиб, камчиликларни бартараф этиш учун мутасаддиларга ёзма кўрсатмалар тақдим этилмоқда.

Бирламчи ёнғин ўчириш воситаларидан фойдаланиш қоидалари ва фавқулodда ҳолатларда хизматчи-ходимларнинг ҳаракatlari ҳамда ёнғин хавфсизлигини таъминлаш юзасидан йўриқнома ва суҳбатлар ўтказилмоқда.

X.ВАЛИЕВ,
Тошкент Метрополитени ЁХТБ мутахассиси,
катта сержант.

"Issiqlik elektr stansiyalari" AJ To'raqo'rg'on filialida "Toifalangan obyektida favqulodda vaziyatlar va jinoyiy tajovuzlar sodir bo'lganda obyekt rahbariyati qo'riqlash tuzilmalari hamda hududiy xavfsizlik kuchlarining harakatlari" mavzusida ko'rgazmali-taktik o'quv mashqi o'tkazildi.

KO'RGAZMALI TARZDA

Unda 2 ta o'quv nuqtasi tanlab olinib, birinchi o'quv nuqtasida - ifloslangan moy saqlash rezervuarida sodir bo'lgan yong'in bartaraf qilindi.

Ikkinchi o'quv nuqtasida rele binosining tomida jabrlangan xodim qutqarilib, xavfsiz hududga evakuatsiya qilindi.

Jobir OLIMJONOV,
Namangan viloyati FVB bo'lim boshlig'i,
katta leytenant.



ЎЗЛИГИНГ НАМОЁН ЭТ!



Жорий йилнинг 6 июль куни Сирдарё вилоятининг Янгиер шаҳридаги Жанубий Мирзачўл каналида чўкиб кетаётган, 1994 йилда туғилган Матлуба Бобоева ҳамда унинг фарзанди, 2014 йилда дунёга келган Асадбек Тилаболдиев Саидисломбек Абулқосимзода томонидан қутқариб қолинган.

Дарҳақиқат, бошига бирор ташвиш, мусибат тушган инсонларга кўмак бериш, уларни турли офат ёки балолардан ҳимоя қилиш, омонат берилган ширин жонини хатарга қўйиб бўлсада, қутқариб қолишга интилиш ҳар кимнинг ҳам қўлидан келавермайди. Чунки бу иш ўта хатарли. Ахир, ўзга қутқариш ёрдами кўрсатиш вақтида қутқараётган шахснинг ҳам ўз ҳаёти хавф остида қолади-ку. Шунинг учун бу ишни ҳар ким ҳам қила олмайди. Айтишади-ку, “Жон – ширин!” – деб...

Шуниси борки, ўзганинг офатдан қутқариш нақадар машаққатли, масъулиятли бўлиши билан бир қаторда, жуда шарафли, эзгу амал ва анча хайрли ишдир. Буни қалбдан ҳис қилган, савобталаб оилада камолга етган Саидисломбек она ва болани “сув балоси”дан қутқариб қолиш учун астойдил ҳаракат қилди, бу йўлда ҳатто ширин жонини, бир мартагина бериладиган ҳаётини аямади. Одамийлик бурчини адо этди. Шукурки, ҳодиса оқибатида ҳеч ким жиддий жароҳат олмади, қурбонлик юз бермади...

Воқеа шундай кечганди... Ўша куни соат тахминан 19:15 атрофида Матлуба Бобоева фарзанди билан канал атрофидан кетаётган эди. Болаликка хос қизиқувчанлик ва ўйинқароқлик 9 ёшли Асадбекни сув бўйига чорлади. Кутилмаганда, эҳтиётсизлик сабабли сувга тушиб кетади. Бундай ҳолатга тушган онаизорнинг аҳволини бир тасаввур қилинг-а, буни баён этишга энг бурро

тил, энг ўткир қалам ҳам ожизлик қилади.

Бутун ҳаёти, борлигини фарзандларига бағишлаган, тили йўқ гўдагини нима истаётгани, танасининг қарерида қандай ўзгариш борлиги, нимадан безовталигини ўзининг бебаҳо меҳри билан ҳис қиладиган, ёзнинг жазирамасида ҳам, қишнинг қаҳратонида ҳам бироз шамоллаган гўдагини бағрига босиб, касалхоналарга юғриб чопадиган ягона зот – онадир. Вужудида 9 ой кўтариб, туғилганида бир парча эт бўлган болани шу ёшга киргунига қадар, ҳаётнинг барча қийинчиликларига бардош бериб, ҳам ота, ҳам она бўлиб, бор меҳрини фарзандларига бериб, уларни келажакда етук инсонлар бўлиб камолга етишидан умид қилиб яшаётган аёлнинг умид учқуни кўз ўнгида сувга ғарқ бўлаётгандай эди...

– Онажон, қутқаринг, ёрдам беринг, чўкяпман, онажон, – дерди болакай жон ҳолатда бир сувга кириб, бир сувдан чиқаркан...

Бу вақт Матлуба не қиларини билмай тошдай қотганди. У бамисоли яшин урган дарахтдай эди. Боласининг ноласидан ўзига келаркан, овозининг борича бақариб, атрофга аланларди, одамларни ёрдамга чорларди. Аммо уни ҳеч ким эшитмас, атрофда одамлар йўқ эди.

Онани Худойим шундай яратган. Агар боласи чоҳ ичида қолиб, полапондай чирқираб, нола қиларкан, бу чоҳдан уни олиб чиқишнинг имкони бўлмаса ҳам, дўзахдай тубсиз чоҳ ичига жабрдийда она куш каби ҳеч иккиланмай ўзини отади... Ҳатто офат чоғида ҳам боласи билан қолишни истайди...

Шундай бўлди. Матлуба дод-фарёд урганча ўзини боласи ёнига, шиддат билан оқаётган канал сувига отди... У фақат бир нарсани – ўздан ҳам кўра, боласини кирғоққа олиб чиқишни, унинг омон қолишини истарди. Аммо бундай бўлмади. Кучли оқим энди она-болани оқизиб кета бошлади...

Ҳар бир иш Яратганнинг ҳукмида. Атрофда ҳеч ким йўқ эди. Аммо шу вақт улар-



нинг қошига Худойимнинг ўзи спорт билан шуғулланиб юрган Саидисломбекни келтириб қўйди.

Йигит ўйланиб ўтирмади. Ўйлашга эса вақт йўқ. “Ўзингчи, ўзингнинг ҳаётинг нима бўлади?”, – сўради ички бир овоз унинг ўздан. “Ўёги бир гап бўлар, энг муҳими, сувдаги одамларни қутқариб олиш керак”, – жавоб берди ўзига ўзи ва сувда оқаётган одамларнинг кетидан қувиб бориб, бироз олдинга ўтди ва ўзини сувга отди. Шу тариқа уларни сув оқимида юзма-юз кутиб олди...

Дарҳақиқат, холис ният ғолиб келади ва ўз ортидан эзгуликни олиб келади. Тезкор ва аниқ ҳаракати сабабли қаҳрамонимиз аввал Асадбекни, кейин эса унинг онаси – Матлубани сувдан чиқариб олишга муваффақ бўлди.

Бир қарашда, буни ҳа, одатдаги ҳол-да, кимнидир қутқариб қолибди-да, дейишлари мумкин. Аммо шу гапни айтган инсон қутқарувчи ва қутқарилган инсонлар ўрнига ўзини қўйса эди... Ахир, Саидисломбек Абулқосимзода ҳали вояга етмаган уч нафар фарзандини боқиш учун ёлғиз боши билан тинимсиз меҳнат қиладиган, болаларини Ватанимизга нафи тегадиган инсонлар бўлиб, жамиятда ўз ўрнига эга бўлишини чин қалбдан истаётган мунис аёл, мўътабар она ва келажакда баркамол шахс бўлиб етишадиган боланинг ҳаётини сақлаб қолганди. Бу билан у она-юрт, жамиятга

қанчалик муҳим фойда келтирганлигини тасаввур қилишнинг ўзи кифоя...

Юксак жисмоний сифат ҳамда етук маънавиятли қалб эгаси бўлган Саидисломбек ана шундай савобли ишни уddалаган эди. Айтишади-ку, ҳамма ҳам қаҳрамон эмас. Аммо қаҳрамонлик учун лавозим, ёш ёки бошқа талабларнинг кераги йўқ. Бунинг учун инсон қалбида она-Ватан, ундаги инсонларга буюк меҳр-муҳаббат бўлса бас...

Саидисломбек бугуннинг ҳавас қилса арзийдиган йигитларидан. У спорт билан мунтазам шуғулланади. Оғир, вазмин, сермулоҳаза инсон. Маҳалла жамоаси орасида хурмат-эътиборга эга ёшлардан бири.

Қаҳрамонимиз 2002 йилда Сирдарё вилояти Янгиер шаҳар “Бобур” МФЙ Бобур кўчаси 15 уйда Суннат Қаршибоев ва Наргиза Қаршибоева хонадонидан тўнғич фарзанд бўлиб дунёга келган. 2009 йилда Янгиер шаҳридаги 9-сонли умумтаълим мактабининг 1 синфига қабул қилинган. 2020 йилда ушбу таълим даргоҳини муваффақиятли тамомлаган. 2022-2023 йиллар давомида Бухоро вилоятидаги ҳарбий қисмларнинг бирига йигитлик бурчини ўтаган. Хизмат вазифасини бажариш даврида ҳам кўплаб инсонларга яхшилик қилган. Унинг ўзига хос фикрлаш қобилияти, мардлиги ва эпчиллиги командирларининг ҳам эътирофига лойиқ қўрилган.

– Ҳарбий қисмимизда яратилган шароитлар қутқарувчилик касбига нисбатан қизиқишимни оширган, ҳар қанча қийин бўлмасин, сир-асрорларини ўзлаштиришимга имкон берган, – дейди Саидисломбек Абулқосимзода. – Ўзгаларнинг дардига шерик бўлиш, жасорат кўрсатишга ҳамиша тайёр турадиган,

соҳа сирларини мукамал эгаллаган, қатъиятли ва жасур, одамларга чексиз меҳр-муҳаббатли инсонлар – қутқарувчилар ва уларнинг шарафли ишига доим ҳавас қилиб келганман... Қолаверса, ота-онам ҳам мамлакатимизда ҳукм сураётган тинчлик, хонадонимиздаги осойишталик, дастурхонимиздаги тўкинлик шукри сифатида жамият фаровонлиги ва саодати йўлида хайрли амалларни адо этишимиз кераклигини айтишади...

Ҳа, Саидисломбекнинг бу каби таассуротлари, теран фикрларини янада давом эттиришимиз мумкин. Муҳими шуки, инсон ҳар бир кунида, ҳар сониясида ўзгаларга яхшилик қилиш, ўксик қалбларнинг кўнглини кўтариш, беморларни зиёрат қилиш, жамиятда тинчликни таъминлашда фаол бўлиши лозим. Қаҳрамонимизда эса бундай мақсад ва фазилатлар мужассам, албатта...

Айни пайтда С.Абдулқосимзода кўрсатган жасорати учун Сирдарё вилояти ва Янгиер шаҳар ҳокимликлари, вилоят ФВБ томонидан фахрий ёрлик ҳамда қимматбаҳо совғалар билан тақдирланган.

Яна бир янгилик: вилоят ФВБ раҳбарияти бу йигитни тизимга ҳарбий хизматга қабул қилиш чораларини кўрмоқда...

Бу айни муддао, негаки, ФВВ сафларида Саидисломбекдай ўзгалар ҳаёти учун, керак бўлса, ўз ширин жонини фидо қилишга ҳар лаҳзада тайёр турадиган, қалтис вазиятларда аниқ қарор қабул қилиб, офат ва фалокатлардан инсонларни қутқариб қолишга қодир йигитларнинг бўлиши янада қувонарли.

Анвар ҚОБИЛОВ,
“Vaziyat” мухбири.

Давронбек СУЛАЙМОНОВ,
Сирдарё вилояти ФВБ
Ахборот хизмати бошлиғи,
капитан.



ТУШУНТИРИШ



Тошкент шаҳар Олмазор тумани Қорасарой кўчаси кичик саноат зонаси худудидagi цехда фаолият олиб бораётган эшитиш ва нутқидa муаммоси бўлган шахслар билан учрашув ўтказилди.

Тадбир давомида иштирокчиларга фавқулодда вазиятларнинг олдини олиш, содир бўлганда тўғри ҳаракат қилиш, ёнгин хавфсизлиги қоидалари ва ёнгинларнинг мудҳиш оқибатлари тўғрисида тушунтиришлар берилди.

Жавлонбек МАТКАРИМОВ,
ФВХҚваБММ бўлим катта офицери,
капитан.

CHO'MILISH QOIDALARI

Quva tumani FV bo'limi tomonidan tuman hududida suvda cho'kish bilan bog'liq baxtsiz hodisalarning oldini olish bo'yicha qator porofilaktik tadbirlar amalga oshirilmoqda.



Tuman hududidan oqib o'tgan zovur, soy, kanallar va boshqa aholining doimiy cho'milishi odat bo'lib qolgan cho'milish ruxsat etilmagan hududlarga, aholiga aniq ko'rinadigan joylarga "Cho'milish qat'iyati taqiqlanadi!" taqiqlovchi belgilari o'rnatildi.

Bundan tashqari, tumandagi cho'milish taqiqlangan va ruxsat etilmagan ochiq suv havzalarida 75 marotaba reydlar otkazildi.

Jasurbek XOLMATOV,
Quva tumani FV bo'limi boshlig'i,
mayor.



“Долзарб 30 кун” тадбири доирасида Деҳқонобод тумани марказидagi бозор ва савдо мажмуаларида ташкил этилган тарғибот тадбирларида сотувчи ва харидоларга ёнгин хавфсизлик қоидаларига риоя қилиш, ёзнинг иссиқ кунларида фойдаланиладиган совитиш воситаларини ёниқ ҳолда ва қаровсиз қолдирмаслик лозимлиги тушунтирилди, эслатма ҳамда буклетлар тарқатилди.

ОГОҲЛИК

Мутахассислар қурилиш иншоотларида олиб борилаётган қурилиш-монтаж ишлари билан яқиндан танишиб, қурувчи ва масъулларга ёнгинга қарши тадбирларни меъёрий ҳужжатлар асосида бажариш ҳамда биноларда замонавий ёнгиндан автоматик равишда хабарлаш қурилмаларини ўрнатишга асосий эътибор бериш кераклигини таъкидладилар ва зарур тавсиялар бердилар.

Б.МУРОДУЛЛАЕВ,
Қашқадарё вилояти ФВБ бўлинма бошлиғи, катта лейтенант.
Ш.КЕЛДИЕВ,
бўлинма инспектори, подполковник.

БАРТАРАФ ҚИЛИНДИ

“Қамчиқ” махсус қидирув, ёнгин-қутқарув бошқармаси навбатчи диспетчерига келиб тушган маълумотга кўра, А-373 “М-39 Гулистон-Бўка-Ангрэн-Қўқон ва Андижон орқали – Уш” автомобиль йўлининг “Резак” навбатчилик маскани худуди 273 км.да “Тошкент-Водий” йўналишда ҳаракатланган “Nexia” ва “Дамас” автомобиллари тўқнашиб кетган.

Воқеа жойига “Қамчиқ” МКЁҚБ қутқарувчилари махсус асбоб-анжомлар билан етиб боришган. Улар томонидан ТТЁ ва ЙПХ ходимлари ҳамкорлигида жабрланганларга амалий ёрдам кўрсатилди.

Ҳодиса оқибатида ҳалок бўлганлар йўқ, бир киши енгил тан жароҳати олган.

Й.МАХМЕТОВ,
“Қамчиқ” МКЁҚБ ходими, кичик сержант.

ШАҲРИХОН ТАДБИРЛАРИ

Шаҳрихон тумани ФВ бўлими ходимлари қурилиш майдонларида бўлиб, қурилиш ташкилоти ишчи-ҳодимлари билан фавқулодда вазиятларнинг олдини олиш бўйича профилактик суҳбатлар ташкил қилдилар.

Мазкур тадбирлар давомида лойиҳа ҳужжатлари яна бир бор кўздан кечирилиб, бош режага киритилган ёнгин хавфсизлиги талаблари юзасидан тушунтиришлар берилди, ушбу қоидаларга риоя этиш ҳолатлари текширилди.

О.РАҲМАТОВ,
Шаҳрихон тумани ФВ бўлими НТБ бошлиғи, капитан.

МУҲОКАМА ВА МУНОЗАРА

Наманган муҳандислик-технология институтида “Долзарб 30 кун” тадбири доирасида профилактик суҳбат ташкил этилди. Унда газ, электр корхоналари ходимлари, маҳалла фуқаролар йиғини раиси ҳамда фаоллари, вилоят ФВБ ҳарбий хизматчилари иштирок этдилар.

Тадбирда ёнгин, чақнаш, ис газидан заҳарланиш ва бошқа тусдаги фавқулодда вазиятлар таҳлил этилиб, бу каби ҳодисаларнинг олдини олиш юзасидан тушунтириш ишлари олиб борилди.

Наманган вилояти ФВБ Ахборот хизмати.

TARG'IBOT



Qarshi tumani FV bo'limi tomonidan yonish, portlash xavfi yuqori bo'lgan maskanlarda, yoqilg'i quyish shoxobchalarida mutasaddi xizmatlarni jalb etgan holda, haydovchi va fuqarolar uchun profilaktik tadbirlar amalga oshirildi.

Tadbir Muborak tumani davom ettirilib, unda tuman hududidagi baland qavatli aholi turar joylarida o'quv mashg'uloti o'tkazildi.

Sodir bo'lgan shartli yong'indan so'ng tezkor xizmatlarga yong'in haqida dastlabki ma'lumotlar berildi va ogohlantirildi.

Zudlikda ushbu manzilga yong'in-qutqaruv texnikalari jalb qilindi, qutqaruvchilar tomonidan yong'inni bartaraf etish, jalb qilinadigan

kuch-vositalarni to'g'ri yo'naltirish, jabrlanganlarni xavfsiz hududga olib chiqish va birinchi tibbiy yordam ko'rsatish harakatlari amaliy tarzda ko'rsatib o'tildi.

Ulug'bek JUMANOV,
Qashqadaryo viloyati FVB matbuot xizmati xodimi.

Shukur NIYOZOV,
Ko'kdala tumani FV bo'limi boshlig'i, podpolkovnik.

SHAYLIK MUHIM

Qashqadaryo viloyati FVB tomonidan “Sulton textile” tikuvchilik korxonasida tadbir o'tkazildi.

Profilaktik tadbirlar Qarshi shahrida barpo etilayotgan “Sulton saroy” qurilish obyektida davom etdi. Rejaga ko'ra, jami 12 ta 9, 10 qavatli binolarda 700 ta xonadon qurilishi mo'ljallangan ushbu obyekt 2025-yilda to'liq qurib bitkazilishi rejalashtirilgan.

300 nafardan ortiq quruvchi va ishchilar ushbu bino qurilishiga o'z his-salarini qo'shishmoqda. Viloyat FVB xodimlari tomonidan ushbu manzilga yong'in xavfsizligini ta'minlash borasida o'tkazil-

gan tadbirlar quruvchilarga ancha samarali bo'ldi. Ayniqsa, elektr, gaz qurilmalari, turli qurilish anjomlaridan foydalangan-da texnika va yong'in xavfsizligiga qat'iy riya qilish borasidagi bilim va ko'nikmalari mustahkamlandi.

Sa'dulla ATABAYEV,
Qashqadaryo viloyati FVB bo'lim boshlig'i, podpolkovnik.
Mashrab AHMEDOV,
Qarshi shahar FV bo'limi boshlig'i, podpolkovnik.

МАҲАЛЛАДА ТАШВИҚОТ

Чуст туманидаги “Юқори” МФЙ ҳудудидаги 604 та аҳоли хонадоннинг ёнгина қарши ҳолати ўрганилиб, электр, газдан фойдаланиш ҳамда бошқа ҳолатлар бўйича 146 та камчилик аниқланди ва мазкур камчиликларни бартараф этиш чоралари кўрилди.



Тадбирлар давомида ушбу маҳаллада жойлашган 42-ихтисослаштирилган мактаб-интернати ҳудудида фавқулодда вазиятларнинг олдини олиш юзасидан давра суҳбати ўтказилди ва ёшларнинг соҳага оид қизиқтирган саволларига жавоб берилди. Шу жойнинг ўзида “Темурбеклар мактаби” ҲАЛ тарбияланувчилари иштирокида шартли равишда дарё устидан арқон орқали ўтиш жараёни амалда бажарилди.

Наманган вилояти ФВБ
ахборот хизмати.

ОЙЛИК ДОИРАСИДА

Юртимизда давом этаётган “Долзарб 30 кун” тадбирлари давомида жойларда профилактик суҳбат ва учрашувлар ташкил қилинмоқда.

Тадбирлар давомида иштирокчиларга ёнгина ва бошқа тусдаги фавқулодда вазиятлар, улар юзага келганда тўғри ҳаракатланиш қоидалари тушунтириб ўтилмоқда.

Суҳбатлар давомида тадбир қатнашчиларининг саволларига мутахассислар томонидан атрофлича жавоб берилмоқда.

Мурод ЗИКИРОВ,
Тошкент шаҳар ФВБ
ЎХТТЭБ мутахассиси,
оддий аскар.

ТИЛСИЗ ЁВ

Нукус шаҳри ҳудудида кўп қаватли уй қураётган хусусий корхоналардан бирида ишловчилар бино ва иншоотларда ёнгина хавфсизлиги талабларининг тегишли бандларига амал қилмасдан иккинчи қаватда монтаж ишларини олиб бораётганда ёнгина келиб чиққан. Ёки шаҳардаги ишлаб чиқаришга ихтисослашган муҳим объектда корхонадан чиққан чиқинди белгиланган жойда ёқилмагани ва ён-атроф қуриган ўт-ўлдан тозаланмагани учун бу ерда ҳам “тилсиз ёв” ўз кучини кўрсатиб, корхона каттагина моддий зарар кўрди.

Кўп қаватли уйлардан бирида эса хонадон эгаси дазмолни электрга улаган ҳолда қолдириб кетгани туфайли вақт ўтиб, ёнгина келиб чиққан. Ёнгина-қутқарув хизмати ходимларнинг тезкор ҳаракатлари натижасида ҳодисалар бартараф қилинди.

Бу каби ҳолатлардан барчамизга тилсиз ёвдан огоҳ бўлиш лозимлигини яна бир қарра эслатади, албатта.

Досмурза АМАНГЕЛДИЕВ,
Қорақалпоғистон Республикаси
ФВБ бўлинма бошлиғи, майор.

Мажит ДЖУМАНАЗАРОВ,
бўлинма инспектори,
катта лейтенант.

МАСЪУЛИЯТ ВА БУРЧ

Андижон вилояти ФВБ “Uz Auto Motors” АЖ бинolariда ёнгина хавфсизлигини таъминлашни ташкил этиш бўлинмаси шахсий таркиби томонидан корхона ҳудудида «Долзарб 30 кун» тадбирлари амалга оширилмоқда.

Тадбирлар доирасида ишчи-хизматчиларга ёнгина хавфсизлиги қоидалари талабларига риоя қилиш, ёнгиналарнинг олдини олиш, унга йўл қўймаслик, белгиланмаган жойларда очиқ оловдан фойдаланмаслик, сигарет чекмаслик ва яна қатор ҳолатлар бўйича йўриқномалар ўтказилмоқда.

Корхонанинг Транспорт ташувлар бошқармасида ёнгиналар ва бошқа тусдаги фавқулодда вазиятларнинг олдини олиш, содир бўлганда оқибатларини бартараф этишда ёнгина-қутқарув қисми ва ҳамкор ташкилотларнинг амалий ҳаракатлари бўйича ўқув машғулотлари ташкил этилди.

Машғулот якунида йўл қўйилган хато ва камчиликлар бошқарма раҳбарияти томонидан муҳокама қилиниб, келгусида тўғри ҳаракатланиш бўйича йўриқномалар берилди.

Дилшодбек СУЛТОНОВ,
“Uz Auto Motors” АЖ бинolariда
ЎХТТЭБ инспектори, капитан.

МЕТРОПОЛИТЕНДА СУҲБАТ

Тошкент Метрополитени УК-ни ёнгинадан муҳофаза қилувчи ёнгина хавфсизлиги бўлими ходимлари томонидан бекатларда ва электр-деполарида хизматчи-ходимлар билан учрашувлар, ёнгина хавфсизлиги мавзусида йўриқномалар, эшиттиришлар ҳамда бирламчи ёнгина ўчириш воситаларидан фойдаланиш қоидаларига бағишланган суҳбатлар ўтказилмоқда.

амалий-тактик машғулотлари ҳам ташкил этилмоқда.



Х.ВАЛИЕВ,
Тошкент Метрополитени ЎХТБ
мутахассиси, катта сержант.

УЧРАШУВ

Навоий вилояти ФВБ томонидан “Долзарб 30 кун” тадбири доирасида “Ўзбектелеком” АК Навоий филиалида ташкилот раҳбарияти, масъул ходимлар ҳамда шаҳар ва туман телекоммуникация боғламалари ходимлари иштирокида видеоселектор кўринишида учрашув ўтказилди.

Тадбир давомида ишчи-хизматчиларга ёнгина хавфсизлиги қоидаларига қатъий риоя қилиш, совитиш воситаларидан тўғри фойдаланиш, фавқулодда вазиятларда ҳаракат қилиш тартиби ҳамда ёнгиналарнинг олдини олиш бўйича зарур тавсиялар берилди.

Учрашув якунида ёнгина ўчириш ва қидирув-қутқарув асбоб-анжомларининг кўргазмаси тақил этилиб, ФВБ масъул ходимлари томонидан мазкур асбоб-анжомлардан фойдаланиш ва ишлатиш бўйича маълумотлар берилди.

Р.РАҲМАТОВ,
Қ.ЖУМАЕВ,
Навоий вилояти ФВБ
ходимлари.



МАЖМУАДА ЎҚУВ

Ислом Каримов илмий-маърифий мажмуаси ЎХТТЭБ томонидан мазкур мажмуада ишчи-ходимлар иштирокида профилактик суҳбат ўтказилди.

жиҳозлардан фойдаланишда техника ва ёнгина хавфсизлиги қоидаларига амал қилиш лозимлиги эслатиб ўтилди.

Суҳбат давомида иштирокчиларга ёнгина ва бошқа тусдаги фавқулодда вазиятларнинг олдини олиш ва бундай вазиятларда ҳаракатланиш юзасидан тушунтиришлар бериб ўтилди.

Тадбирда иштирокчиларнинг саволларига мутахассислар томонидан атрофлича жавоб берилиб, турли

А.ЯКУБАЕВ,
И.Каримов мажмуаси
ЎХТТЭБ мутахассиси,
оддий аскар.



СИФАТЛИ ИШ ЮРИТИШ – ДАВР ТАЛАБИ

Бугунги Янги Ўзбекистон даврида олиб борилаётган оқилона ислохотлар жараёнида вазирлик ва идораларда ҳужжатлар билан ишлаш тизимини юқори даражага кўтариш лозим ҳисобланади. Чунки ҳужжатлар қонун доирасида юритилган жамоада ишлар ҳам жойида бўлади.

Шундан келиб чиққан ҳолда, айтиш керакки, ҳозирда давлат ва жамият бошқаруви бўғинларида фаолият юритаётган ходимлар ҳужжатлар билан самарали ишлаш малакасига эга бўлиши зарур.

Маълумки, ФВБ тизими ўз фаолиятини Ўзбекистон Республикасининг Конституцияси ва қонунлари, Ўзбекистон Республикаси Президентининг фармон, қарор

ва фармойишлари, Ўзбекистон Республикаси Олий Мажлиси палаталари, Вазирлар Маҳкамасининг қарор ва фармойишлари, соҳавий йўналишлар бўйича ишлаб чиқилиб, Ўзбекистон Республикаси Адлия вазирлигидан рўйхатдан ўтказилган меъёрий-ҳуқуқий ҳужжатлар, Фавқулодда вазиятлар вазирлигининг буйруқ ва фармойишлари талаблари асосида амалга оширади.

“Қамчиқ” МҚЁҚБ тизимида ҳам ҳарбий хизматчи ва хизматчилар томонидан амалдаги ҳужжатлар ва уларда кўрсатилган талабларни ижро этиш юзасидан қатор ишлар амалга оширилмоқда. Бунда ходимларнинг ҳужжатлар билан ишлаш ва ижро интизомига алоҳида эътибор қаратилмоқда.

Фаолият давомида бошқармага кирувчи ва чиқувчи

хатлар, иш юритиш ҳужжатлари, мурожаатлар билан ишлаш асосий диққат марказида бўлиб, бу борадаги фаолият бошқарманинг масъул бўлинмалари томонидан мунтазам равишда ўрганилиб, ходимларга зарур тавсия ҳамда кўрсатмалар бериб борилади.

Э.ПОСТНИКОВА,
“Қамчиқ” МҚЁҚБ бўлинма
бошлиғи.



ҲАРБИЙ СОҲАДАГИ ИСЛОҲОТЛАР ОАВ НИГОҲИДА

Ўзбекистон Республикаси муҳофазатига кўмаклашувчи "Ватанпарвар" ташкилоти Марказий кенгашида Ўзбекистон Журналистлар уюшмаси қошидаги ҳарбий-ватанпарварлик кенгаши томонидан "ОАВда ҳарбий соҳада амалга оширилаётган ислоҳотларни ёритишнинг ўзига хос жиҳатлари" мавзусида давра суҳбати ташкил этилди.

Тадбирда Ўзбекистон Журналистлар уюшмаси қошидаги ҳарбий-ватанпарварлик кенгаши аъзолари, куч тузилмалари таркибига кирувчи вазирликларнинг ахборот хизматлари масъул ходимлари, ҳарбий журналистлар, марказий ОАВда ҳарбий соҳани ёритишга ихтисослашган журналистлар иштирок этдилар.

Йиғилиш давомида Ўзбекистон Журналистлар уюшмаси раиси вазифасини бажарувчи Холмурод Салимов томонидан уюшма қошидаги ихтисослашган кенгашлар олдига қўйилган вазифалар билан батафсил таништирилди. Қолаверса, бугунги ҳарбий соҳага доир норматив-ҳуқуқий ҳужжатлар ижросини таъминлаш, халқ билан армия ўртасида самарали мулоқотни йўлга қўйиш, ҳарбий ислоҳотлар ҳақида тезкор, холис ва тўлиқ ахборот етказиш, миллий армиямиз фаолияти очиқлиги ва шаффофлигини таъминлаш, буюк аждодларимиз ҳамда миллий қаҳрамонларимиз ҳақида медиа-маҳсулотлар тайёрлаш, қўшинлар фаолиятининг оммавий ахборот воситаларида мунтазам ёритилишига жиддий аҳамият қаратиш зарурлиги эътироф этилди.

Ўзбекистон Журналистлар уюшмаси қошидаги ҳарбий-ватанпарварлик кенгаши раиси, "Ватанпарвар" бирлашган таҳририяти бош муҳаррири подполковник Аҳрор Очилов бугунги кунда мамлакатимизнинг ҳарбий соҳадаги сиёсатини очиқ намоён қилиш орқали кенг жамоатчиликнинг ҳарбий соҳага доир ахборотларга бўлган эҳтиёжини қондириш медиаконнинг долзарб вазифаларидан

бири эканини таъкидлади. Қайд этилганидек, жорий йилнинг ўтган даврида Журналистлар уюшмаси қошидаги ҳарбий-ватанпарварлик кенгаши томонидан Муҳофазат вазирлиги Ахборот ва оммавий коммуникациялар департаменти ва бошқа куч тузилмаларининг матбуот хизматлари билан ҳамкорликда миллий армиямиз фаолиятининг очиқлигини таъминлаш, ёшларни ҳарбий-ватанпарварлик руҳида тарбиялаш мақсадида республика оммавий ахборот воситалари билан ўзаро ҳамкорликни яхшилаш борасида қатор самарали ишлар амалга оширилмоқда.

Йиғилишда Ўзбекистон Журналистлар уюшмаси қошидаги ҳарбий-ватанпарварлик кенгаши томонидан жорий йилнинг ўтган даврида миллий ОАВда ҳарбий соҳага оид ислоҳотларнинг қай тарзда ёритилаётгани хусусида сўз юритилди. Ўзбекистон МТРК каналларида намоён этилаётган "Ватанпарвар", "Ўзбекистон армияси", "Армия спорти" сингари кўрсатувларни мазмун ҳамда сифат жиҳатдан бойитиш, "Ўзбекистон армияси", "Қалқон", "Муҳофаза+", "Автоҳамроҳ" журналлари, "Ватанпарвар", "Постда", "Вазият" газеталарида нашр этилган материалларнинг электрон версиясини ўз веб-сайтларида узлуксиз тарзда жойлаштириб бориш, ҳарбий соҳага доир мақолаларнинг замонавий электрон форматда интеграциялаштирилиши бугунги давр талаби эканлиги боис, таҳририятлар ўз веб-сайти ва глобал тармоқлардаги расмий саҳифаларини такомиллаштиришлари зарур эканлиги айтилди.

Тадбир сўнггида журналистларни қизиқтирган барча саволларга мутахассислар томонидан жавоб берилди. Кенгаш фаолиятини келгусида янада такомиллаштириш борасида муҳим фикрлар баён этилди.

Анвар ҚОБИЛОВ,
"Vaziyat" муҳбири.



"Ватан учун яшайлик!"
танловига

ЎРМОНДАГИ "АРМИЯ"

Жонзотларга, билсангиз,
Ўрмон – ягона Ватан.
Қўриқлашар туну кун,
Бўлишар бир жону тан.
Филлар "ҳарбийлар" учун
Зўр бинолар қуради.
Лочин – "Ҳаво ҳужуми",
Ҳамлага шай туради.

Назардан четда қолмас,
Ҳеч не. Сувда-чи, дема.
"Ҳаммаси назоратда!",
Наҳанг – "сув ости кема".
Хушёр чегарачидир,
Довжурак Жайра деган.
Ёвга найза уришда,
Учига чиққан "мерган".

Маймунлар – кучли жуда,
Бари жасур ва танти.
Дарахдан сакрар ерга,
Бўлиб "ҳаво десанти".

"Таъминот"да сичқону
Асалчи ари ҳам бор.
Олмаҳон ташир ёнғоқ,
Емишга тўлар "омбор".

Юмронлар – "разведкачи",
Атрофни кузатади.
Қизиштиштон – "телеграф",
"Сигнал"ни узатади.

Ёвқур, тенгсиздир улар,
Барчаси сара "жангчи".
Буривойлар – "санитар",
Айиқвой – уста "танкчи".

"Маслаҳатчи" Тулкини,
Енголмай ёвлар гаранг.
"Ҳарбий ҳийла"га роса,
Экан устаси фаранг...
Номин айтсам бирма-бир,
Яна қанча "пиёда".
Асра она Ватанин,
Дилда меҳри зиёда.

Мардлар сафига қўшил,
Бир чеккада турма-да.
"Майдон"да – Йўлбарс, Қоплон,
Тимсоҳлар – "пистирма"да...
Доно, адолатли Шер,
Бу қўшинга кўмондон.
Шу сабабли яшнагай,
Завол кўрмасдан Ўрмон!

Баҳодир Обид.

МЕҲР МАЛИКАСИ

УМИДАХОННа

Ишлайди чин дилидан,
Бол томади тилидан.
Фариштасифат, хушфёъл
Ҳамширалар хилидан.

Беморларни соғ кўриб,
Улар каби суюнар.
Доим ёрдам, яхшилик
Қилиш учун уринар.

Кўрсанг, қувонар кўзинг,
Меҳр ёғар юзидан.
Дерлар беморга шифо
Яхши инсон сўзи ҳам.

Набижон ЭРМАТ,
Ўзбекистон ёзувчилар
уюшмаси аъзоси.



Vaziyat

газетаси

Муассис:
Ўзбекистон
Республикаси
Фавқуллода
вазирлар
вазирлиги

Бош муҳаррир в.б.
Азамат СУЙОНОВ

Газета таҳририят
компьютерхонасида
саҳифаланди.

Газета ҳар ҳафтанинг
пайшанба куни чиқади.
Топшириш вақти — 15:00.
Топширилди — 15:00.

Навбатчи:
А.ҚОБИЛОВ

Таҳририятга юборилган
материаллар қайтарилмайди ва
изоҳ берилмайди.
Муаллифлар фикри таҳририят
нуқтаи назаридан фарқлиниши
мумкин.

Газетадан олинган
материаллар манбаси
кўрсатилиши шарт.

Газета Ўзбекистон
Матбуот ва ахборот
агентлигида 2007 йил
3 январда 0096-рақам
билан рўйхатга олинган.
ISSN 2091-5292

Таҳририят манзили:
100084, Тошкент шаҳри,
Кичик ҳалқа йўли, 4-уй.
Тел.: (71) 231-96-71
Телеграмм: (90) 016-87-67

Индекс:
якка обуначилар ва
ташкilotлар учун – 382

Газета
"BUSINESS PRINT DESIGN"
босмахонасида босилди.
Манзил: Тошкент шаҳри,
Сўғалли ота кўчаси, 5-уй.
Буюртма №
Бичими: А3, ҳажми: 2,0 б.т
Адади — 5400 нусха